


‘হাসিনা: আ ডটারস টেল’ এবার ওটিটিতে

প্রতি মাসেই ওটিটি প্ল্যাটফর্মগুলোতে যুক্ত হচ্ছে নতুন কনটেন্ট। ওয়েব সিরিজ-ফিল্ম রিলিজের পাশাপাশি মুক্তি পাচ্ছে নানা ধরনের ডকুমেন্টারি। দেখা যাচ্ছে ওটিটি প্ল্যাটফর্মে। নতুন ও মুক্তিপ্রাপ্ত ওটিটি কনটেন্টের খবর জানাচ্ছে সীমান্ত।

হাসিনা: আ ডটারস টেল - চরকি

জাতির জনক বঙ্গবন্ধু শেখ মুজিবুর রহমানের কন্যা এবং প্রধানমন্ত্রী শেখ হাসিনার জীবনের ওপর ভিত্তি করে নির্মিত পূর্ণদৈর্ঘ্য প্রামাণ্যচিত্র ‘হাসিনা: আ ডটারস টেল’ ১৫ আগস্ট মুক্তি পেয়েছে ওটিটি প্ল্যাটফর্ম চরকিতে। এই প্রামাণ্যচিত্রে প্রধানমন্ত্রী শেখ হাসিনার বিদেশজীবন ও স্বদেশ প্রত্যাবর্তন সহ ব্যক্তিগত জীবনের নানা গল্প তুলে ধরা হয়েছে। প্রামাণ্যচিত্রটি পরিচালনা করেছেন নির্মাতা পিপলু আর খান। ২০১৮ সালের ১৬ নভেম্বর প্রামাণ্যচিত্রটি সারা দেশের নির্ধারিত সিনেমা হলে প্রথম প্রদর্শিত হয়। দর্শকের চাহিদার কথা বিবেচনায় এনে প্রামাণ্যচিত্রটি পরে টেলিভিশনেও সম্প্রচার করা হয়। প্রথম বারের মতো প্রামাণ্যচিত্রটি মুক্তি পেয়েছে ওটিটি প্ল্যাটফর্মে।



বিলিয়ন ডলার হেইস্ট - অ্যামাজন প্রাইম




১৫ আগস্ট ওটিটি প্ল্যাটফর্মে মুক্তি পেয়েছে বাংলাদেশ ব্যাংকের অর্থ চুরির ওপর নির্মিত ‘বিলিয়ন ডলার হেইস্ট’ তথ্যচিত্র। ইউনিভার্সাল পিকচার্স হোম এন্টারটেইনমেন্টের ব্যানারে মুক্তি পেয়েছে এই তথ্যচিত্র। এটি পরিচালনা করেছেন যৌথভাবে ড্যানিয়েল গর্ডন, ব্রেন্ডন ডনোভান এবং ব্রায়ান ইভানস। এই তথ্যচিত্রে তুলে ধরা হয়েছে বাংলাদেশে ২০১৬ সালের সেই আলোচিত ব্যাংকের টাকা চুরির আদ্যোপান্ত। ১

ঘণ্টা ২৪ মিনিট দৈর্ঘ্যের তথ্য চিত্রটি ইতিমধ্যে বেশ সাড়া ফেলেছে বাংলাদেশের দর্শকদের মাঝে।

গানস অ্যান্ড গুলাবস - নেটফ্লিক্স

‘দ্য ফ্যামিলি ম্যান’, ‘ফরজি’র মতো সিরিজ উপহার দিয়েছেন রাজ ও ডিকে জুটি। এবার মুক্তি পেয়েছে এই জুটির নতুন সিরিজ। ডার্ক কমেডি ক্রাইম থ্রিলার ঘরানার এই সিরিজে ৯০ দশকের আন্ডারওয়ার্ল্ডের নানা ঘটনা দেখানো হয়েছে। সিরিজে মুখ্য চরিত্রে অভিনয় করেছেন রাজকুমার রাও, দুলাকর সলমন, আদর্শ গৌরব, গৌতম শর্মা, গৌরব শর্মা। বহুল প্রতীক্ষিত এই সিরিজ নেটফ্লিক্সে মুক্তি পেয়েছে ১৮ আগস্ট। ৭ পর্বের ওয়েব সিরিজটি দর্শকদের মাঝে বেশ সাড়া ফেলেছে।



মেড ইন হ্যাভেন ২ - অ্যামাজন প্রাইম

২০১৯ সালে মুক্তির পর রোমান্টিক ড্রামা সিরিজ ‘মেড ইন হ্যাভেন’ ব্যাপক প্রশংসা পায়। চার বছর পর ১০ আগস্ট মুক্তি পেয়েছে সিরিজটির দ্বিতীয় কিস্তি। জোয়া আখতার ও রীমা কাগতি যৌথভাবে নির্মাণ করেছেন ভিন্ন ঘরানার এই সিরিজটি। প্রথম সিজনে ৯ পর্ব থাকলেও দ্বিতীয় সিজনে রয়েছে ৭ পর্ব। সবিতা ধুলিপালা, অর্জুন মাথুর, কালকি কোয়েচলিন ছাড়াও এবারের সিজনে দেখা গেছে রাধিকা আশ্বে, হ্রুণাল ঠাকুরদের।





আবার প্রলয় - জি ফাইভ

২০১৩ সালে মুক্তি পায় রাজ চক্রবর্তীর 'প্রলয়' সিনেমা। সেই সিনেমার স্পিন-অফ সিরিজ এটি। নারী পাচার নিয়ে নির্মিত সিরিজটি মুক্তি পেয়েছে ভারতীয় ওটিটি প্ল্যাটফর্ম 'জি-ফাইভ' এ। এক যুগ পর অনিমেষ দত্তকে পর্দায় ফিরিয়ে আনলেন রাজ চক্রবর্তী। ১০ পর্বের সিরিজটির প্রধান চরিত্র অনিমেষ দত্ত রূপে দেখা গেছে শাশ্বত চ্যাটার্জিকে। তারকাবহুল এ সিরিজে আরও আছেন পরান বন্দ্যোপাধ্যায়, ঋত্বিক চক্রবর্তী, গৌরব চট্টোপাধ্যায়, কৌশানী মুখার্জি। এই সিরিজ নির্মাণের মাধ্যমে ওটিটি প্ল্যাটফর্মে অভিষেক করলেন রাজ চক্রবর্তী।

তালি - জিও সিনেমা

ট্রান্সজেন্ডার কর্মী শ্রী গৌরী সাওয়ান্তের জীবন নিয়ে তৈরি হয়েছে 'তালি' ওয়েব সিরিজ। শ্রীগৌরী সাওয়ান্তের চরিত্রে অভিনয় করেছেন সুস্মিতা সেন। সিরিজের শুরু থেকে শেষ পর্যন্ত সুস্মিতা সেন নিজের অভিনয় দিয়ে দর্শকদের জিনে আটকে রেখেছেন। শ্রী গৌরী সাওয়ান্তের চরিত্রে প্রাক্তন ব্রহ্মাণ্ড সুন্দরী নিজেকে উজাড় করে দিয়েছেন বলতেই হয়। রবি যাদব নির্মিত ওয়েব সিরিজে সুস্মিতা সেন ছাড়াও অভিনয় করেছেন ত্রুতিকা দেও, অক্ষয় ভাটিয়া, ঐশ্বর্য নারকার, হিমালী কবি, সুভরত যোশী। ৬ পর্বের ওয়েব সিরিজটি ১৫ আগস্ট মুক্তি পেয়েছে 'জিও সিনেমা' প্ল্যাটফর্মে।



অনলি মার্ভারস ইন দ্য বিল্ডিং - হলু



আগস্ট। ওটিটি প্ল্যাটফর্ম 'হলু'-তে তৃতীয় সিজনের দুটি পর্ব মুক্তি পেয়েছে ৮ আগস্ট। আগামী ৩ অক্টোবর পর্যন্ত বাকি পর্বগুলো পর্যায়ক্রমে মুক্তি পাবে। জন হফম্যান নির্মিত সিরিজটিতে মার্কিন সংগীতশিল্পী সেলেনা গোমেজ, স্টিভ মার্টিন, মার্টিন শট ছাড়াও এবারের সিজনে দেখা যাবে পল রাড, মেরিল স্ট্রিপকে।

মিস্ট্রি কমেডি ড্রামা ঘরানার সিরিজ 'অনলি মার্ভারস ইন দ্য বিল্ডিং' প্রথম সিজন মুক্তি পায় ২০২১ সালের ৩১



হাট অব স্টোন - নেটফ্লিক্স

টম হার্পার পরিচালিত 'হাট অব স্টোন' স্পাই-অ্যাকশন সিনেমাটি দিয়েই হলিউডে অভিষেক হলো ভারতীয় অভিনেত্রী আলিয়া ভাটের। ছবিতে তাকে দেখা গেছে খল চরিত্রে। তারকাবহুল ছবিটিতে আরও আছেন গাল গ্যাদত, জেমি ডরন্যাম প্রমুখ। ২ ঘণ্টা ৩ মিনিট দৈর্ঘ্যের সিনেমাটি ১১ আগস্ট মুক্তি পেয়েছে। ওটিটি প্ল্যাটফর্ম 'নেটফ্লিক্স' এ দেখা যাচ্ছে সিনেমাটি। অনেকেই বলছেন, আলিয়া ভাটকে যথার্থ ব্যবহার করতে পারেননি নির্মাতা।

কুমুদিনী ভবন - হইচই

পরপর তিনটি খুন! রহস্যের কেন্দ্রবিন্দু এক গার্লস হোস্টেল। যার নাম কুমুদিনী ভবন। স্বাভীলেকা দেবীর তত্ত্বাবধানে সেই হোস্টেলে ৯ জন নারীর বাস। খুনের তদন্ত করতে আসরে নামেন পুলিশ অফিসার হোচি সরকার। তার সহকারী হিসেবে তদন্ত এগিয়ে নিয়ে যাওয়ার কাজে সাহায্য করেন হোস্টেলেরই নতুন বোর্ডার অনুশ্রী। এই চরিত্রদের দেখা মিলবে 'হইচই' এর নতুন ওয়েব সিরিজ 'কুমুদিনী ভবন'-এ। ৭ পর্বের ওয়েব সিরিজটিতে অভিনয় করছেন উষসী রায়, অনসূয়া মজুমদার, অম্বরীশ ভট্টাচার্য, ঋষভ বসু, অরুণিমা হালদার প্রমুখ। সিরিজটি পরিচালনার করেছেন অকদীপ মল্লিক নাথ। ২৫ আগস্ট থেকে দর্শক উপভোগ করতে পারবে সিরিজটি।



ঘোষ বাবুর রিটায়ারমেন্ট প্ল্যান - আড্ডা টাইমস



দীর্ঘ ক্যারিয়ারে প্রথমবারের মতো ওয়েব সিরিজে অভিনয় করলেন টালিগঞ্জের জনপ্রিয় অভিনেতা রঞ্জিত মল্লিক। 'ঘোষ বাবুর রিটায়ারমেন্ট প্ল্যান' ওয়েব সিরিজে দেখা গিয়েছে তাকে। ১১ আগস্ট আড্ডা টাইমসে মুক্তি পেয়েছে সিরিজটি। একজন ব্যক্তি অবসর নেওয়ার পর তার জীবনে বদল আসা স্বাভাবিক। কী কী বদল আসবে তার জীবনে, তিনি কী করেই বা সেটার সঙ্গে মানাবেন নিজেকে সেগুলোই তুলে ধরা হয়েছে সিরিজটিতে। ৮ পর্বের সিরিজটি পরিচালনা করেছেন হরনাথ চক্রবর্তী। অনুরাধা রায়, অদৃজা রায়, আরিয়ান ভৌমিক সহ অন্যান্য

অভিনেতাদের এখানে গুরুত্বপূর্ণ ভূমিকায় দেখা যাবে।